



UNIVERSITÄTS-
BIBLIOTHEK
PADERBORN

**Henrici Canisi[i] Noviomagi, Belgæ, Jn Academia
Ingolstadiensi SS. Canonum Profess. Ordinarii & Primarii,
Opera Quæ De Ivre Canonico Reliqvit**

Canisius, Heinrich

Coloniae Agrippinae, 1662

In Tit. IV. De Mutuis Petitionibvs, In Cap. 1.

[urn:nbn:de:hbz:466:1-62169](#)

etiam cum juramento. Ex qua Bart in l. Siquis pro eo num. 8 D. De fiduci eleganter infert, quod venditio earum rerum, quae adib⁹ iofix⁹ sunt, veluti sunt marmora, non confirmetur juramento, quod ratione publicæ utilitatis earum alienatio prohibita sit, ne deformetur urbis aspectus, l. Señarus § 2. D. De contrah. empt. & l. Cistera 41. § 1. D. De legat. Secus si prohibitio facta esset principaliter in favorem singulorum: veluti si civibus Ingol-

stadien⁹ immunitas à vestigalibus esset concessa, vel ne alibi quam Ingolstadtii conveniantur, poterunt iidem cives singulares huic immunitati vel privilegio fori renuatiare, quod scilicet principaliter eorum favorem respiciat, per text. in c. Dilecti 17. hoc rit. Simile est de feriis in favorem hominum introducis, ut sunt feriae mensium & vindemiarum, e. ult. inf. De feriis.

IN TIT. III. DE LIBELLI OBLATIONE.

SUMMARIA.

1. In libello causa petitionis exprimi debet.
2. Et quidem in personali actione causam remota,
3. In reali proxima causa.

Vide in hunc Titulum Andr. Gail, lib. I. Obser. 61. cum aliquoseqq. Illud unum tantummodo moueo, * quod in libello semper causa exprimi debeat: quia duplex est, vel remota, vel proxima. * Causam remotam in personali actione exprimere sufficit hoc modo: Peto à te centum ex mutuo, ex commodato, vel simili con-

tractu. Nam inde præsumitur causa proxima, quæ est obligatio, quam solam exprimere non sufficit, propter incertitudinem, c. fin. hoc rit. * In reali vero actione proxima causa est exprimenda, quæ est dominium, vel quasi: ut, Peto hanc rem, quia mea est, vel quasi. Non autem necesse est, ut exprimatur causa remota; videlicet, Peto hanc rem, quia mihi est vendita, legata, vel donata: & hoc ideo, quia dominium, vel quasi, non nisi ex una causa nobis obtingere potest, l. 3. §. ex plurib. D. De aeq. vel amit. poss. Nam hæc probatur in progressu judicij.

IN TIT. IV. DE MUTUIS PETITIONIBVS.

In Cap. I.

SUMMARIA.

1. Facti species.
2. 9. Reconventione prorogatur iurisdictio.
3. Reconvenio coram arbitrii non habet locum.
4. Differentia quoad hoc inter arbitrum & judicem delegatum.
5. Reconvenio an locum habeat contra Clericum.
6. Quando opponenda.
7. An unā eademque sententiā terminanda utraque causa
8. Reconventione quibus casibus cesset.

Facti species hæc præponitur. Plebanus, id est, Parochus & Clerici Maturinenses convenierant Monasterium Matur. coram Judicibus à Sede Apostolica delegatis Monasterium è contra coram iisdem Judicibus convenerat eosdem Plebanum & Clericos; pura conventionis causa fuit mutuum, reconventionis emptio vel venditio, aut simile quid. De hac reconventione consultus S. Pont. an ea admitti deberet, rescribit hoc c. n. causam admitti oportere: hoc tamen servato ordine, ut, proposita prius actione, quam

prætendit Plebanus & Clerici, deinde responsione subsecutâ ex parte Monasterii, respondeatur quoque in continentâ ipsi Monasterio à Plebano & Clericis; & sic ordinè successivo Judices utramque partem audiendo, per transactionem aut sententiam suam causas dirimant. Itaque hoc textu mutua petatio est: una, quam obtendunt Plebanus & Clerici; altera, quam Monasterium. Illam conventionem vocamus ex parte actorum, hanc reconventionem ex parte Monasterii. Hinc Tit. nostri inscriptio. De mutuis petitionibus.

Et est notandum, per reconventionem prorogari iurisdictionem Judicis, qui alias Judex non est: ut videmus hic in delegatis Judicibus in causa mutui, qui per reconventionem sunt Judices & in causa empti vel venditi, quæ delegatione sūa non continebatur. Idem est & in ordinario Judice, per text. in l. Cum Papinianus 13. & Auth. Et consequenter C. De sens. & interloc. om. iud. ubi & hæc ratio redditur à Justiniano: Cujus in agendo, inquit, observat arbitrium, cum habere & contra se Judicem in codem negotio non dedignetur.

P. 1.

3 Pernegotium h̄c intellige judicium : ut hiac conster, cessare reconventionem coram arbitris; cum hi nullam jurisdictionem habeant, quæ per reconventionem prorogari possit, c. Cum dilectus o. sup. Dearbitrū & l. Am̄ presor s. D. Pere judic.

4 Quare hic observanda est differencecia inter arbitrum & Judicem delegatum, quod scilicet coram arbitro reconveniri quis non possit : secus coram Judge delegato, quicce ad certam causam constitutus sit, tamen in causa reconventionis sit etiam Judge. Idque non tam vi mandatis, quam ex juris dispositione, per h. text. cum c. seq. & c. 3 §. reus De rescript lib 6.

5 Sed vehementer disputant Dd. an reconventionis quoquelcum habeat contra Clericum ? Finge Titum Clericum convenisse Sempronium coram Judge seculari ; Sempronium ē diverso ex alia causa eundem Titum reconvenisse coram eodem Judge seculari : quæstum est, an Titus in causa reconventionis respondere cogatur. Hanc quæstionem late disputant Panorm & Felinus in At s. Clerici 4 sup Dejudic. adeoque dubia vīa fuit Andreea Siculo, ut nunc partem affirmativam, nunc negativam in consulendo securus fuerit, teste Felino, d. loc num 8. Sed breviter verius est negantur opinio, quod scilicet respondere non cogatur in causa reconventionis ; hac ratione, quod constitutissimi juris sit, Clericum conveoiri non posse coram Judge seculari, c. 4 & c. Si diligenter sup. De foro compet. cum plurib. aliis iurib. xi. q. t. Adeò ut Clericus ne quidem juratus huic privilegio renuntiare possit, d. c. Si diligenter. Quod certè fieret, si Clericus reconveniri posset coram eodem Judge seculari, cum reconventionis regulā non continetur Clericus, ubi agit coram Judge seculari. Sin coram Judge Ecclesiastico, recte continebitur Clericus, etiam absque Episcopisi consensu, quia tunc juris auctoritate reconvenitur : quemadmodum si alibi contraxit vel deliquerit, ibi quoque licet convenitur coram Judge Ecclesiastico absque assensu Episcopi sui, c. fin sup. De foro compet.

6 Ceterum hic queritur, an in quavis judiciorum parte reconventioni opposi possit ? Et verius est, quod non, sed tantummodo circa exordium conventionis, per text in §. illud, vers sancimus Nō-

vel. 96 De executorib. & ibi Accurs. & Card. quem refert & sequitur hic Panorm. num 13. Quamvis sit, qui putent etiam in quavis Judicij parte, per text. in d. c. 3 §. reus De rescript in 6. Et d. l. Cum Papinianus in vers. in eodem negotio C. Desent. & interloc. omn. jud. Quorum sententia forte defendi possit quoad prorrogandam jurisdictionem Judicis, non quoad determinandam utramque causam.

Illud interim retinendo, quod etsi proposita reconventionis causā circa principium litis, simulane in utraque causa procedatur, non ramen unā eademque sententiā utraque causa expediri debeat, nū ubi de utraque causa liquet Judicis ; alioquin alteram, de qualique, sententiam p̄mittere possit Judge Myasing cent. 1. Observ. 10.

Quibus addatur, reconventionem tribus casibus cessare. Primo, si res, quæ in conventionem venit, non patiatur moram, ut eam scilicet exp̄ire necesse sit. Bald. int. 1. de contr. feudi apud pares termin. propterea quod in his, in quibus periculum est in mora, recedatur à regulis juris communis, per text in 1. Depupillo s. si querivis D. de operis novi nunt. l. Si quis filio ex hereditate 6. §. hi autem omnes in fine D. De iniusto, rupio, irrito facta testam c. 3. & c. fin. inf. de feudi. Alter casus est, si quis spoliator velit reconvenire spoliatum ; nam & haec specie cessat reconventionis, in odium ipsius spoliatoris, c. 2. & c. fin. inf. de ord. cognit. Tertius est, si is, qui reconvenit, sit excommunicatus : nam et si excommunicatus conveniri possit, nec ex suo delicto locum consequatur rem alienam retinendo, non tamen reconvenire potest, cum hoc in arbitrio ejus non sit positum ; & ut eo circius ad Ecclesie gremium redeat, c. Cum inter s. inf. De ex. apt.

Postremo hic observandum est, per reconventionem adeò prorogari jurisdictionem Judicis, ut etiam id fiat cum omnibus privilegiis conventionis, veluti si conventionis causa summarie tractanda sit, hoc est, absque solemnitate Judicij, ut sunt causa beneficiales, matrimoniales, decimales, & usutariae, c. 2. De judic in Clem. junc doc. Sep. p̄ verb signif. in Clem. idem modus retinendus est in causa reconventionis, sicut ex Lud. Bolognino tradit eleganter Jac. Menoch. Dearbitrū jud. quæst. lib 1 qu 44 num. 7. cùm eadem debeat esse conditio actoris & rei in procedendo, c. 2. hoc ist. Item si conventionis causa delegata sit, remotā appellatione, idem trahendum est ad causam reconventionis, ob eamdem rationem, d. c. 2.